

## **BA PUBLIKASAUN EMEDIATA**

### **Misaun EUA lansa Selebrasaun Aniversáriu ba dala 20 Relasaun Diplomátika ho Timor-Leste**

Janeiru 13, 2022 – Ohin, Enkaregadu Negósiu Embaixada EUA nian Tom Daley lansa Misaun EUA nian iha Timor-Leste nia komemorasaun durante tinan ida nia laran-aniversáriu ba dala 20 relasaun diplomátika ho Timor-Leste.

‘Ho tema “Belun, Parseiru, Oportunidade,” komemorasaun ne 'e fó sai iha vídeo ida iha pájina Facebook Embaixada Estados Unidos nian iha Dili. Hahú fulan ida ne' e, Misaun EUA iha Timor-Leste sei hatudu relasaun forte entre EUA no Timor-Leste liu husi média tradicional no sosiál konaba ami nia amizade istóriu, atividade publiku involve lider futuru Timor-oan sira nian hodi hametin futuru parseria entre EUA no Timor-Leste, no sei anunsia mos oportunidade foun sira atu haluan prosperiedade.

“Tinan ida ne 'e, Timor-Leste selebra nia tinan 20 nu' udar nasaun ida ne 'ebé independente, demokrátiku, ami selebra mós aniversáriu ba dala-20 kona-ba relasaun diplomátika entre Estados Unidos no Timor-Leste,” hatete Enkaregadu Negósiu Embaixada EUA nian Tom Daley. “Durante tinan 2022, ita sei refleto kona-ba susesu sira ne' ebé ita alkansa ona iha dékada rua ikus ne 'e nia laran, no ita sei haree mós ba futuru ida ne' ebé nabilan liu, ne 'ebé ita hakarak harii hamutuk.”

Iha video ne' e, Enkaregadu Negósiu, Tom Daley anunsia rezultadu selesaun ba logo ofisiál Embaixada Estados Unidos nian iha komemorasaun ne 'e. Logo ne' e dezeńha husi Timoroan ida Agostinho Meluk, ne 'ebé kumpriende klean konaba espírito komemorasaun ne' e.

Hakoak hela malu, númeru rua ne'e representa ita nia amizade istórika entre Estados Unidos no Timor-Leste. Fitun hirak ne'e simboliza susesu barak ne'ebé Estados Unidos no Timor-Leste halo ona durante tinan 20 ikus ne' e; bandeira sira signifika oportunidade sira ba ita-nia nasaun rua bainhira ita serbisu hamutuk. Logo nee hili entre konkorente nain 65 neebé kreativu no inspira tebes durante kompetisaun dezeńha ba logo komemorativa Embaixada Estados Unidos nian.

Atu hetan informasaun liu tan favór kontaktu: Xefe Assuntu Públiku Embaixada EUA, Tim Johnson: [JohnsonTA@state.gov](mailto:JohnsonTA@state.gov), 7719 3389 no Especialista Média Rosario: [MaiaRG@state.gov](mailto:MaiaRG@state.gov), 77908209.